

ANEEPWUNGUN CHUUK

TSL NO. 191-28

MWICHENAP, MAY, 1991

NAMOPUNG NO:1-43

EW NAMOPUNG

Wora ukukun \$1,567,000.00 seni ewe Monienapen ewe Muun Chuuk
ewe fiscal year epwe muchuno September 30, 1991, ren fan
asengesin sotosopun monien omwokutun ewe Muun Chuuk non ewe
nussun fansoun ren ewe fiscal year iei kich mei nom non, me pwan
epwe koch popun.

PUNG ME REN EWE ANEEPWUNGUN CHUUK:

Tetten 1. Iei a kawor ukukun \$1,567,000.00 ika fite
ukukun mei namot ren an epwe tongeni naaf, seni ewe
Monienapen ewe Muun Chuuk, ren ewe fiscal year epwe muchuno
September 30, 1991, ren fan asengesin sotosopun monien
omwokutun ewe Muun Chuuk non nussun fansoun ren ewe fiscal
year iei kich mei nom non. Ewe moni epwe kawor epwe iei
nussun nounoun:

(a) Fuel for Weno Power Plant	\$167,000.00
(b) Dep't of Transportation	\$100,000.00
(i) State Vessels	\$ 75,000.00
provisioning	
(ii) State Airport (FY'91 CIP)	\$ 25,000.00
(c) Supplemental for salaries of employees of the State Government	\$1,300,000.00
TOTAL	\$1,567,000.00


Tetten 2. Ei ukukun moni mei kawor me ren ewe Tetten
epwe no ngeni ika einet ngeni ewe Kepina nge ewe ukukun
mei kawor me non Tetten 1(d) epwe no ngeni ika einet ngeni
to kewe allottees ussun mei affat me non ewe 1991 Annukun

Budget (CSL No. 190-10) ren ew me ew kewe pachangen muun ewe
 B a decreed me non seni ewe Kepina. Emon me emon epwe
 wisen tumunu, fan iten ewe Aneepwungun Chuuk, an nounoun
 ewe moni epwe chok fiti pungun met ewe popun mei affat me
 non Tetten 1, pwan fiti pungun ewe State Financial
 Management Act, iwe esap pwan wor nounoun ewe moni epwe nap
 seni ewe ukukun mei kawor. Nussun moni esemwo it me non ei
 moni non September 30, 1991, epwe niwinsefan ngeni ewe
 Monienapen ewe Muun Chuuk.

Tetten 3. Ewe Kepina me io kewe re tumunu nounoun ewe
 moni epwe awora an repot won napanapen nounoun ewe ngeni ewe
 Aneepwungun Chuuk non ika mwen September 30, 1991, epwe
 affatatiw unusen porausen nounoun ewe moni mei kawor non
 Tetten 1, fengen me ukukun nussun mei wor non ewe fansoun
 repot, och sopusopun repot won ewe nussun moni pwan kawor
 refinen 20 ran me murin saponon ewe fiscal year, ngeni ewe
 Aneepwungun Chuuk ika menni an kewe committee mei wenengeni,
 epwe affatatiw napanapen nounoun me mwokutukutun ewe moni.

Tetten 4. Ei Namopung epwe winiti ew Annuk fansoun an
 a kapunguno meren ewe Kepina, ika inet chok a winiti annuk
 won winikapan.

Sain seni:


 Ira E. Akapito, President
 Senate
 Aneepwungun Chuuk

Annetata:




Datasi Albert, Chief Clerk
 Senate
 Aneepwungun Chuuk

Pwinin maram:


Sept. 6, 1991

TSL NO. 191-28
NAMOPUNG NO: 1-43

Sain seni:


Kisané K. Sos, Speaker
Utten Representatives
Aneepwungun Chuuk


Annetata:


Harter Sorim, Chief Clerk
Utten Representatives
Aneepwungun Chuuk

Pwinin maram:

Sept. 6, 1991

Kopunguno seni:


Sasao H. Gouland, Kepina
Chuuk State Government

Pwinin maram:

Sept. 9, 1991

REFON: S.B.NO:1-215;S.D.1;H.D.1; C.D.1
S.S.C.R.NO: 2-10
Conf. Report No. 2-01